



Thomas ille apud Bielenſes in Heluetiã natus eſt anno circiter 1472. Is cum primã rudimenta in patria percepiffet, ſeſe ad Baſiliẽſem Academiã contulit, atq; artibus & linguis præclaram operam nauauit. Poſtea quoq; Theologiã diligenter incurſiuit, atq; adeo profecit, ut ſacrarum literarum Doctor crearetur. Inde quoq; inter eius ſcholæ profefſores plurimum emicuit, atq; Academiã illã ualde exornauit. Quantus autem Thomas fuerit, ex Leonis Iudæ epiſtola quã in annotationes Zuuinglij ſuper Euangeliffas edidit, abundẽ patet, qui ſic de eo ſcriptum reliquit ad Senatũ populũq; Bielenſem: E uobis, inquit, prodijt nobis D. Tho-

mas ille Vuittenbachius, uir in omni diſciplinã genere exercitatiſſimus, & qui propter multijugam eruditionem omnibus iſtius ſeculi doctiſſimis hominibus miraculo & ſtupori, & Phœnix quædam habitus ſit. Quo præceptore Zuuinglius & ego uno eodemq; tempore, circa annum Domini 1505 Baſileæ literis operam nauantes, formati ſumus. Nec ſolũ in cultioribus diſciplinis, quorum erat callentiſſimus, ſed in ſcripturarum quoq; ueritate. Vt enim homo ille præter ſingularem eloquentiam acuto erat ingenio, multa quæ poſteris temporibus ab alijs prodita ſunt, præuidebat & præſagiebat, ut de Indulgentijs papifficis, & alijs rebus, quibus Romanus pontifex ſtultum mũdum aliquotiam ſeculis dementauerat. Ex hoc hauſimus quicquid nobis fuit ſolidæ eruditionis, atq; hoc ei etiam debemus: hæc ille. Poſtea uerò Thomas Bielam in patriam redijt, & cum Lutheri & Zuuinglij doctrina paſſim innotuiſſet, Euangelij lucem ſuis ciuibus fideliter communicauit. quĩ etiam Bernẽ in potentiffima repub. huius doctrinæ ſemina ſparſit, atque apud omnes in magna autoritate fuit. Tandem anno circiter 1526 in patria obiijt, & multorum luctu ſepultus fuit, Leo Iud. Anon.